

793 Visitantesque te fratres consolatione sancti Spiritus diligenter ammone exhortans
 post Inn 8. eos, ut in Dei confidant protectione et intercessione sancti Cudberhti patris nostri;
 non in armorum strepitu vel in ruitura lapidum^a congerie, sed in muro pietatis supernae
 spem sibi certae defensionis constituent; et praesentis tribulationis miseriam ad aeternae
 felicitatis beatitudinem transferant; toto se corde convertant ad Deum; et si quid in
 moribus suis emendandum sit, non segniter corrigant; ut Deo illorum placeat conversio,
 Ion. 3, 10. sicut Ninivitarum ei placuit poenitentia, et pepercit civitati per lacrimas confitentium
 Ion. 4, 2. peccata sua. Clemens est Deus et misericors et nullum derelinquit in se sperantem;
 cf. Iob 42, 12. nam et novissima Iob fuerunt meliora prioribus; sic et vobis, credo, faciat, si ad eius
 clementiam deprecandam unanimiter conversi fueritis. 10

23.

*Alcvinus Felicem Urgellitanum episcopum hortatur, ut novitatem doctrinae deserat
 et universalis ecclesiae sanctorumque patrum doctrinam sequatur. c. 793.*

Cod. S fol. 179—183^a.

Edd. Alcuini opp. ed. Frobenius I, 783—787, J 30. — Migne CI col. 119.

VIRO VENERANDO ET IN CHRISTI CARITATE DESIDERANDO FELICI EPISCOPO¹ HUMILIS
 LEVITA ALCVINUS SALUTEM. 15

Non est cura fraternae salutis parvi pendenda: non est, quamdiu spiritus hos
 regat^b artus², divina praeveniente gratia cuilibet conversio disperanda. Dum haec
 ita se habent, et a nemine iuste contradici potest, semper sunt seu verborum conlatione
 praesentes ammonendi^c, seu litterarum devotione absentes exhortandi, ut hinc caritatis
 officium suam ostendat devotionem, et inde humilitas communis fraternitatis suam
 Apoc. 22, 17. demonstret oboedientiam. Illi scriptura sacra clamat: 'Qui audit, dicat veni'; huic
 Luc. 10, 16. evangelica auctoritas intonat: 'Qui vos audit, me audit'. 'Spiritus ubi vult, spirat'.
 Ioh. 3, 8. Unde et de persecutore Saulo factus est Paulus praedicator.

Olim me ipsum, celeberrimam tuae sanctitatis audiens famam, per quendam ex illis
 partibus presbyterum tuis sacratissimis^d^e commendare curavi, et quem
 tunc solius famae auditu amare gestiebam³; nunc in Christi caritate et catholicae
 pacis unitate ardentius amare audeo, optans illi aeternae beatitudinis gloriam, quae
 nullatenus cuilibet sine universalis ecclesiae pace et concordia evenire valet. Unde
 et has, honorande pater et amande frater, deprecatorias cum magna humilitatis caritate
 litterulas tuae laudabili sapientiae dirigere curavi; non contentiosum disceptationis 30

^a) lapide *H*.

23. ^a) *Lemma*: Epistola Albuini ad Felicem hereticum *S*. ^b) regiat *S*. ^c) ammonendi *S*.

^d) in margine appositum est: *r̄q̄*. ^e) *ceſſcōm̄dare S*; intercessionibus *suppl. FROBEN*.

1) *Meminit huius epistolae Alcvinus ipse postea in libro contra Felicem primo (ed. Frobenius I, 35
 789):* Scripsi epistolam pridem Felici episcopo caritatis calamo, non contentionis stimulo, fraternae
 salutis desiderio, non mordacis reprehensionis stilo . . . sed, ut agnosco, non eo caritatis officio vel
 humilitatis obsequio meae literulas diligentiae recepit, quo me scribere, qui meam pietatis intuitu
 legerit epistolam, agnoscere poterit, *et adversus Elipandum l. I c. 16 (ed. Frobenius I, 882):* Cui (*sc.*
Felici) ego in has adveniens partes caritatis calamo epistolam exhortatoriam, ut se catholicae iungeret
 unitati, dirigere curavi. Cui ille non epistolari brevitate sed libelli prolixitate respondere nixus est.
 Groessler (*l. l. p. 18 n. 4. 57. 59*) hanc epistolam post annum 794. scriptam esse opinatus est, cui Hauck
 (*Kirchengesch. Deutschlands II, 265 n. 1*) se opposuit. 2) *Verg. Aen. IV, 336*: dum spiritus hos
 regit artus. 3) *cf. supra ep. 5 p. 30.*